

Hrvatski i Bosanski izveštaji o Strazburu "Entitet i Grad Banja Luka dužni isplatiti 64

17/03/2009 16:36 by BanjaLukaSrcu

Nakon što je predmet "Islamska zajednica u BiH protiv Republike Srpske i Banje Luke" 20. februara dobio sudski epilog u korist IZ u BiH, prema kojem je tužena strana dužna isplatiti 64.762.347 maraka za 16 državljanima poruženih od 1993. do 1995. godine na području Banje Luke, upitan je daljnji rasplet ovog procesa.

Glavni pravobranilac RS Slobodan Radulj potvrdio je "Dnevnom avazu" da će danas potpisati tekst žalbe koju će do ponedjeljka uložiti tužena strana. Radulj je rekao da argumenti u žalbi nisu za javnost te da RS i Banja Luka očekuju da drugostepeni sud ukine prvostepenu presudu.

Tuženi ne prihvataju odgovornost na koju se poziva u presudi Osnovnog suda Banja Luka od 20. februara. Uvjereni su da neće postati pravosnažna. Osim "pristrasnosti sutkinje Sunite Ukalo", što je pravobranilac u predmetu Dragan Spasojević nakon izricanja presude naveo kao jedini razlog ovakvog ishoda procesa, Pravobranilaštvo najavljuje postupak pred Okružnim sudom RS.

- Još nismo dobili žalbu, ali je očekujemo. IZ u BiH bila je uvjerena u pozitivan ishod presude od samog početka, ali ćemo, ako bude neophodno, ići na Ustavni sud BiH, pa i do Strazbura - izjavio je za "Dnevni avaz" pravni zastupnik IZ u BiH Esad Hrvatić.

On je iznenađen postupcima tužene strane, posebno, kako je kazao, profesionalnom neetičnošću pravobranioaca Spasojevića, koji medijski proziva sudije, ali i istupima većine zvaničnika iz RS, prije svih ministra Đerarda Selmana.

Šteta kao javni dug?!

Kod pravosnažnosti presude, a na osnovu zakona u RS, IZ u BiH može se suočiti s velikim problemom. Tako je upitno kako će biti isplaćeno 64,7 miliona maraka, jer RS sve štete nastale do 2001. pretvara u javni dug, pa u narednih 20 godina izdaje kao obveznice. Prema tuženoj strani, u eventualnom slučaju pravosnažnosti ne bi se trebala napraviti nikakva iznimka pri isplati, bez obzira na specifičnost predmeta i presudu od historijskog značaja za IZ u BiH.

Autor: V. S.

Izvor vijesti: Dnevni Avaz